



Inatsisartunut ilaasortaq
Gerth Mikaelson

§37 naapertorlugu apeqqummut nr. 173-imut akissut

Brevdato: 21-11-2025
Sagsnr. 2025 - 20830
Akt id. 25931668

Apeqqtunut ataaniittunut akissutit maanna nassiunneqarput:

**1. KNI Pilersuisup Tasiilap nunaqarfiini kipiluttunartumik
ingerlatsinera Naalakkersuisuniit qisuariarfigineqarniarnerluni?**

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@naanoq.gl
www.naalakkersuisut.gl

Akissut:

KNI-p Tasiilami nunaqarfinilu eqqaaniittuni aqutsinera kinguaattoortoqarneranik nioqqutissallu nunguttarneranik kinguneqarpat naammaginangitsutut Naalakkersuisut isigaat.

Tasiilami nunaqarfinilu eqqaaniittuni pilersuineri pissutsit pillugit apeqqut KNI-mut siusinnerusukkat Naalakkersuisut apeqqutiginiikuuaat. Pilersuineq siunissami sapinngisamik patajaatsumik iliuuseqarfigineqarsinnaaniassammat, KNI-p nunap immikkoortuani pilersaarusiornera, attaveqarnera sillimaniarneralu qanoq pitsanngorteqqinneqarsinnaanersut KNI-mut aaliangersimasumik aamma kinguneqartussamik oqaloqateqartarnerup ingerlatiinnarnissaa, Naalakkersuisut pingaartippaat.

**2.-3. Pisiniarfiit nioqqutissanik inuussutissartalinnik tikisitsisarneri
amigartunik tikisitsisaqattaarneri pissusissamisoortutut Naalakkersuisut
isigivaat? Tasiilami nunaqarfiniilu taamaattussaannartut
ingerlasoqarnissaa Naalakkersuisut isigivaat?**

Akissut:

Nioqqutissanik inuussutissalinnik naammangitsumik eqqussuisoqartarnera pissusissamisoortutut akuerineqarsinnaasutullu Naalakkersuisut isiginngilaat. Soorunami Tunumi silap sikullu pissusaat ilungersunarsinnaapput, kisianni sullissinissamik isumaqatigiisummi piumasaqaatinut tunngatillugu, ingerlaavartumik pilersuinissaa KNI-p qulakkiissavaa.

Ingerlatseqatigiiffiup pilersaarusiornera pitsaanerussasoq, uninngasuutiniq aqutsineq pitsanngortinneqassasoq, najukkanilu aqutsisunut attaveqartarnerup

pitsaanerunissaata qulakkeerneqarnissaa, Naalakkersuisut KNI-mut oqaloqateqartarnerminni erseqqissassavaat.

**4.-5. Allannguisoqartariaqalinnginnerpa tamakkua pillugit?
Naalakkersuisut qanoq pilersaaruteqarpat? Pisiassat
inuussutissartallit pisariaqartinneqartut amigartunik
tikisitsisarneq Naalakkersuisuniit akuerineqaanassava?**

Akissut:

Pissutsit pitsanngortinneqarnissaannik naliliineq Naalakkersuisut isumaqatigaat. Naalakkersuisut taamaammat Tasiilamut nunarfinnullu qularnaannerunissaanut, tassunga ilanngullugit soorlu saniatigut timmisartukkut nassiussisarnissamut umiarsuit tikittarnerisa aaqqiiviginissaannut, aamma ukiuunerani sillimaniarluni uninngasuuteqarnerulernissamut ataatsimut pilersaarummik KNI-p saqqummeeqqullugu qinnuivigissavaat.

KNI-p taamatut akisussaaffeqarnerminik pimoorussinissaa Naalakkersuisut ilimagaat, ingerlatseqatigiiffillu uppersarsarneqarsinnaasunik nalilersorneqarsinnaasunillu, aalajangersimasunik suliniuteqarnissaanik malittarinnilluni ataatsimiinnissami qinnuivigissallugu.

6. Naalakkersuisut Tasiilami nunaqarfiinilu sipaarniartunukua?

Akissut:

Naamik. Naalakkersuisut Tasiilami nunaqarfiinilu pilersuineramik sipaarniaqqusinngillat. KNI aktiaateqarfittut nammineertutut pilersuinerup aaqqissuunnissaanik akisussaavoq.

KNI-p pilersarusiornermini kukkunera pingaarnersiuiinnginneralu sipaarniarnertut paasineqarpat Naalakkersuisut ajuusaarnartippaat. Ingerlatseqatigiiffiup nunami tamarmi patajaatsumik ullutsinnullu naleqquttumik sullissinermik qulakkeerrinninnissaa, Naalakkersuisut erseqqissarnikuuaat.

**7. Naalakkersuisut isumaqarpat KNI Sisimiuni qullersaqarfianiit
suliassat naammaginartumik suliarineqarsimanersut?**

Akissut:

KNI-p Sisimiuni qullersaqarfimmit pilersuineramik aqutsineq suli unamminartoqartinneqartoq, Naalakkersuisut paasivaat. Suli ataqatigiissaarisooqartannginnera najukkanilu malittarinnittoqartannginnera Naalakkersuisut naammaginartinngilaat.

7a Sulisunik allanik taarsiinerit pisariaqalissappat?

Akissut:

Atorfeqarnermi pissutsit sulisoqarnermillu allannguisinnaaneri KNI-p siulersuisuisa pisortaasalu tamakkiisumik akisussaaffigaat. Naalakkersuisut

sulisoqarnermi iliuutsinut aalajangersimasunut akuliunneq ajorput, kisianni immikkoortumi sullissinissamut isumaqatigiisummi piumasaqaatinik, naammaginartumik eqqortitsinissamik KNI qulakkeerinnissasoq ilimagalugu.

7b. Tunumiunukua Naalakkersuisuniit soqutaannginnerusut?

Akissut:

Naamik. Nunami innuttaasunik tamanik sumi najugaqarnerat apeqqutaatinnagu naligiissitsinissaq Naalakkersuisut pingaartippaat. Tunumut nassiussassanik pilersaarusiornermi immikkut unamminartoqarpoq, tassanilu pilersaarusiornerup malinnaanerullu isiginiarneqarnerunissaannik pisariaqarfusoq Naalakkersuisut ilisimavaat.

Innuttaasut KNI-p pilersuineramik qulakkeerinninnginnerata kingunerisaanik immikkoortinneqartutut misigisimappata, Naalakkersuisut ajuusaarnartippaat.

Tunup nunap sinneranut sanilliullugu ajornerusumik sullinneqarnissaa pillugu KNI-mut sullissinissaq pillugu isumaqatigiisummi sumilluunniit aalajangersagaqanngitsoq aamma erseqqissarneqassaaq.

7c. Sooruna sullissineq taama kipiluttunartigisoq?

Akissut:

KNI-p aqutsinermi aaqqissuussaananerani pissutsit assigiinngisitaartuusut allaffissornermilu unamminartoqarneranik kinguneqarsinnaasoq Naalakkersuisut eqqumaffigaat. Eqaannerusumik sunnuteqarnerusumillu ingerlatsinermik tapersiinnaasumik aaqqissuussaananermi aaqqiisoqarsinnaananeramik pisariaqartitsisoqarnerusoq, KNI tassunga atatillugu nalilersuissasoq Naalakkersuisut ilimagaat.

8. Tasiilaminunaqarfiinilu KNI-mi sulisut kiap akisussaaffigai?

Akissut:

Pilersuisup Tasiilami nunaqarfiinilu pisiniarfiinit sulisunut KNI A/S sulisitsisutut akisussaavoq. KNI-p sulisitsisutut sulisut sulinermi pitsaasunik atugassaqaarnissaasa, piginnaanngorsarneqarnissaasa erseqqissumillu attavigneqarnissaasa qulakkeerinninnissaa Naalakkersuisut ilimagaat.


8a. Naalakkersuisunit susoqarnianngippat Ombudsmandimut saaffiginnissuteqartariaqassava??

Akissut:

Innuttaasoq kinaluunniit pisortani oqartussat inatsisinut tunngatillugu suliassaminnik sularinninngitsut isumaqaruni Ombudsmandimut saaffiginnissinnaatitaavoq.

Kisianni KNI ingerlatseqatigiiffittut ingerlatsinermut sulisullu atugaannut akisussaasuusoq Naalakkersuisut erseqqissassallugu pingaartippaat. Ombudsmandi taamaallaat pisortat ingerlatsinerannik nakkutilliisinnaavoq, KNI A/S tamatumani ilaanngilaq.

Inussiarnersumik inuulluaqqusillunga



Múte B. Egede